

«Ռեսմ-ի բաղ» („Resm-i bag-“) յուրաքանչյուր հարյուր տունկ որթատնկի, պտղատու ծառի համար որպես «ռեսմ-ի բաղ» գանձվել է երկու ակչե¹: Սակայն, ինչպես երևում է կանուն-նամենների ավյալներից, «ռեսմ-ի բաղ»-ը մտել է խարաջ հասկացողություն մեջ, և պատահական չէ, որ հաճախակի հիշատակվում է «բաղ խարաջը» („bag- haracı“) տերմինը: Այս դեպքում պահանջվում է որոշակի նշանակված գումար: Ըստ Էրզրումի կանուն-նամենի, քաղաքի հալ բնակչությունից որպես «բաղ-խարաջ», տարեկան գանձվել է 12 հազար կարաջա ակչե, այսինքն 4000 Օսմանյան ակչե²:

«Ռեսմ-ի ասիաբ» («Resm-i asiab»), ջրաղացի համար գանձվող հարկի անունն է: «Ասիաբ» պարսկերեն նշանակում է աղաց: Այս հարկը թուրքերեն կոչվում է «ռեսմ-ի դեգիրման» (Resm-i degirmen), և ունի նույն իմաստը: Ըստ Էրզրումի կանուն-նամենի, հարկը գանձվում էր բերքահավաքի ժամանակ, ամառվա տաք օրերին: Հարկի չափը եղել է լրիվ տարվա համար՝ 60 ակչե, իսկ կես տարվա համար՝ 30³:

«Ռեսմ-ի միրաբի» (Resm-i mirabi) կամ «հակ-ի շուրուբ» (hak-işurub): Հողամշակության ընթացքում ջուրն օգտագործելու համար վերցված այս հարկը, որը կոչվում էր նաև «միրաբիլիք ռեսմի» (mirabilik resmi) կազմում էր ավյալ մարզը, շրջանը, գյուղը՝ տնօրինող մուսուլման ֆեոդալի («միր-ի լիվա»)ի, գալիմի ու թիմարիտի), ինչպես և երբեմն առանձին մյուլքագուրերի, կարևորագույն եկամուտներից մեկը:

Որովհետև Արևմտյան Հայաստանի կլիմայական պայմաններում ոռոգման հարցը գյուղատնտեսություն համար ունի կենսական նշանակություն, ապա հարկի այս ձևը առիթ է տվել չարաշահումների: Դա արտացոլված է Էրզրումի, Մալաթիայի և մի շարք այլ վայրերի կանուն-նամեններում:

Էրզրումի նահանգում, երբ ամառվա շոգ ամիսներին ջրի պակասը իրեն խիստ զգալ էր տալիս, ջուրը տնօրինող ֆեոդալները ջրամբարտակներից օգտվելու համար պահանջում էին բարձր գներ: Ընչազուրկ գյուղացին պահանջված գումարը տալու հնարավորություն չունենալով, տնտեսապես քայքայվում էր: Այդ մասին Էրզրումի կանուն-նամենում ասված է հետևյալը.

«Եվ վերոհիշյալ Լիվայում (Էրզրումում) ջրի որոշ առուներ կան որոնցով գյուղացիները իրենց մշակույթները ջրելիս են եղել: Մրանից առաջ, վերոհիշյալ վիլայիթը գրանցելու ժամանակ, գրանցող քարտուղարը կաշահրական դաֆթարում հիշյալ առուների ջրերը յուրաքանչյուր գյուղին ու մշակելի տարածություններին բավարարելու չափով դաֆթարում արձանագրած է: Եվ ամառվա ամիսներին ջուրը քիչ լինելու հետևանքով սեղերին չի բավարարում:

Ջրի համար հերթի կանգնած մարդկանց ջուր չտալով, բարձր գներով հետո գտնվող գյուղերի բնակիչներին ըստ նրանց ցանկության ջուրը վաճառելիս են եղել... Այնուհետև հիշյալ վիլայիթը նորից գրանցելու ժամանակ, երբ առուների վիճակը մանրամասն ուսումնասիրվեց (ապա պարզվեց), որ հիշյալ լիվայում գտնվող գյուղերի բնակչության մի մասը քայքայվել ու որոշ գյուղեր ծաղկել են: Մյուլքի, վակֆի (իրավունքով) առուների տերերը

¹ Kanun-nâme-i vilayet-i Ergani, s. 150.

² Նույն տեղում:

³ Erzurum kanunu, s. 67, Gürcistan kanun-nâmesi s. 198, Arabgir kanun-nâmesi s. 172 և այլն: